

卷三

賦役志

田土

戶口

稅糧

差役

重修臨潁縣志

重修臨潁縣志目錄

卷一

方輿

圖考

天文圖  
學宮圖

縣境圖

縣城圖

縣治圖

沿革

星野

疆域

山川

津梁附

物產

卷二

建置

城池

公署

倉儲

鄉井

市廛

坊表

舖舍

養濟

藥局  
漏澤附

卷三

賦役

田土

戶口

稅糧

差役

卷四

教典

學校

壇祀

鄉飲

朝賀

鄉約

武備

風俗

卷五

官師

職官表

縣知縣  
縣丞

縣丞

教諭

訓導

主簿

典史

卷六

官師

封爵

名宦

官職

縣知縣  
縣總

學官  
訓衛

縣丞  
訓科

主簿  
會裁

縣丞  
道會裁

典史

卷七

人物

選舉表上

庶群

進士

舉人

貢生

卷八

人物

選舉表下

進士  
僚絀

武舉人

武貢生

例貢  
武職

例監

薦舉

卷九

人物

前哲

卷十

人物

前哲

鄉賢

封隘

鄉耆

孝義

隱逸

義勇

方伎

義民附

卷十一

列女志上

卷十二

列女志下

卷十三

雜稽

災祥

變亂

附兵戈志

卷十四

雜稽

古蹟

附攷

景物

故事

增巡蹟攷

陵墓

寺觀

卷十五

藝文

奏疏

碑記

卷十六

藝文

詩賦

詩餘

重修臨潁縣志卷三

邑令

陳垣 東園

重修

陳俊 册囊  
楊西桂 光辰

賦役志

戶口

田土

稅糧

差役

增 國家之大用惟財與力二者皆不能不取諸民故有田則有賦有戶則有役賦役者國家所不容已也然土田有肥瘠戶口有登耗加以金饑木穰豐歉不同故君子用其一緩其二於用法之中恆寓法外之仁焉自秦變古後世因之一律額征動則

成例行之既久弊日益滋法日益密而民生亦日益蹙矣又況新政繁興閭閻不靖邵子云寬一分則民受一分之賜耶律氏云興一利不如除一害司土者其加之意乎志賦役

戶口

順治志戶口歷代皆有登耗至明嘉靖年間盛矣明之末年饑饉疾疫轉徙流亡十不存一矣國朝鼎革以來嘉意撫綏民之復業

者視昔有加矣譬之子弟失所一旦呼而哺食之哺食之而遂已乎生聚教訓其在今日與志戶口

明

洪武二十四年

戶一千六百四十六口  
一萬一千二百九十三

永樂二十年

戶一千七百三十二口  
一萬六千二百四十

宣德七年

戶二千二十四口  
一萬六千九百二十九

正統七年

戶二千二百二十三口  
二萬一千一百六十三

宏治五年

戶三千一百九十三口  
三萬三千八百二十二

嘉靖元年

戶三千一十八口  
三萬三千八百三十三

崇禎年間舊額人丁三萬八千九百一十四丁

戶册有  
丁無戶

清

順治二年冊報九則活丁一萬六百五十六

十年接年編審丁一萬四千八百三十六

十一年至十七年續審人丁一萬六千六百四十九內除紳衿

優免人丁六百四十七實在行差人丁一萬六千零二

冊有  
戶無

丁銀分爲三等  
九則派徵

戶口孳息係乎司牧者之養之矣昔人謂養民如養羊然養羊者歲一剪其毛則羊必肥腴繁息日益多矣若日一剪其毛得毛雖多則暑雨霜雪無以禦之而羊斃矣况求其繁息乎有牧

民之責者不可不加之意也

乾隆志

順治十七年以前戶口詳舊志康熙五十二年奉旨海宇承平日久戶口日繁地畝並未加廣宜施寬大之恩共享恬熙之樂嗣後直隸各地方官遇編審之期察出增益人丁止將實數另造清冊奏聞其徵收錢糧但據康熙五十年丁冊定爲常額續生人丁永不加賦欽遵在案其康熙五十年以前接年編審加賦人丁及五十年以後接年編審不加賦人丁未悉載

乾隆六年編審九則人丁三萬八千九百一十四丁內除逃亡人  
丁一萬四千八十七丁又除盛世滋生丁口三千三百九十丁  
永不加賦

實徵賦人丁二萬一千六百三十七丁

新志

乾隆十二年以前詳舊志以後圖籍無考

宣統元年奉新章調查戶口戶四萬四百五十八口二十二萬八  
千七百五十九

附攷

清初定例人丁五年一編審凡鄉紳舉貢生員得免一身謂之

優免人丁

賦役全書康熙中改追原報優免人丁與順治十八年新增人丁另徵其銀解部充餉

餘日當

差人丁每丁科徭里銀每縣各一則輕重不等康熙五十二年

恩詔徵收錢糧但據康熙五十年丁冊爲常額續生人丁永不

加賦名爲盛世滋生戶口其定額徵銀又於雍正六年題准隨

糧辦納在案

摘錄福州府志

雍正四年九月初二日巡撫田文鏡題爲詳請題明豫省丁糧按

畝輸納以均賦役事奉旨以各邑丁糧均派於各邑地糧之內  
無論紳衿富戶不分等則一例輸將以昭畫一以垂永久統以  
雍正五年爲始攤入地糧內徵收欽遵在案

今按舊志載順治二年冊報活丁一萬六百有奇乾隆六年編審人丁三萬八千九百有奇迄  
今百六十有餘年圖籍無考蓋自續生人丁永不加賦以後遂爲具文及期循例造報而已宜  
統元年調查戶口戶四萬四百有奇口二十二萬八千七百有奇然隱匿漏報尙未盡實今又  
越四五年稽實丁口當不下三十萬可謂盛矣而豈知正其衰也何者冉有問旣庶何加子曰  
富之非以庶而不富庶不可保乎今計穎之實地不過八千餘頃以三十萬衆均其養贍已屬  
不支况剛鹵斥澤地有肥磽宅里塋域日益佔厯加以雨暘不時比歲歉收新政繁興誅求無  
藝奈之何民不窮且盜也自宣統三年八月湖北兵變天下騷然所在土寇蠭起肆行劫掠曾  
無虛日富者不敢安居貧者亦廢生業分兵彈壓益復不靖回思二百餘年以前同一悽愴景

况而消息不同昔患戶口之寡今患戶口之多昔之時撫摩噢咻惟恐其生之不暢今之時草  
菅斬艾惟恐其生之不蹙蓋昔則一陽復生之時今則十月純陰之卦也以今之時勢揆之大

亂之作可立而待王伯厚困學紀聞載漢桓永壽二年戶一千六百七萬七千九百六至晉武太康元年戶止二百四十五萬九千八百四隋文開皇中戶八百七十萬至唐高祖武德初戶止二百餘萬元宗天寶末戶八百九十一萬四千七百九令肅宗乾元三年戶止一百九十三萬三千一百三兵禍之慘如此可設想乎易曰无平不陂无往不復孟子曰天下之生久矣一治一亂傳曰天道有舒而無慘字宙幾無容樽俎之地籌氣化盛衰人事得失反復相循大亦無如之何也哀哉吾爲吾穎之三十萬赤子痛哭吾更爲天下之四百兆同胞痛哭矣悲夫

## 田土

順治志田土稅糧之所自出然稅糧有定額而田土之厚薄則不同也平衍原陞膏腴之田一而當一平土岡田二而當一磽瘠确田三而當一沙瀉斥鹵之田四而當一故他邑有上中下三則而臨潁則否田土異而稅糧同穎幾病矣志田土

明

洪武二十四年

官民地共一千四百一十五頃二十九畝八分夏地六百九十一頃六十五畝五分秋地七百二十三頃六十四畝三分不起科民地一千九百六十九

頃五十九畝一分

永樂二十年

起科官民地一千四百一十五頃三十五畝八分夏地六百九十一頃四十七畝五分秋地七百二十三頃八十八畝三分不起科民地一千九百六十九頃

五十九畝一分

正德七年

起科官民共地一千四百一十三頃三十五畝八分夏地六百九十一頃四十七畝五分秋地七百二十六頃八十八畝七分不起科民地一千九百六十九頃五

十九畝一分

嘉靖十年

均田會起科地不起科地共一萬六千九百九十三頃八十九畝三分

清

順治二年册報熟地一千四百七十六頃二十二畝六分五釐

順治六年接年續報共熟地三千四百三十三頃六十三畝一分

六釐

七年接年續墾地熟地三千七百八十五頃一十畝五分七釐

十四年續墾地共熟地至十七年新舊共熟地四千一百二十七

頃一十八畝五分

荒蕪有主無地共六千五百五十八頃七十六畝四分

臨潁地多平原無不可耕之土然猶有荒蕪彌野一望無際者豈盡地之不可墾乎人不能墾也以今日論一人之所耕不能四十畝計其飲食工價不下二十石加以牛犂籽種一歲之所收不足以償其所出矣況又水旱不時勤動終歲一無所獲何啻石田人猶耕之而不已者期其獲於後也此而遽行丈量責之起科墾之未見其效已足以爲累矣是以比聞丈量卽有熟地已棄而不耕况復墾荒乎此所以丈量愈勤拋荒愈多也然必定以新墾田或使數年不起科且令以墾田多者復其身如

漢力田孝弟之法民雖至愚孰肯棄黃金於地乎噫

乾隆志

原管民田除官地七頃九十四畝四分實在熟荒額地一萬六百八十五頃九十四畝九分

順治三年免荒徵熟除無主荒地二千六十九頃四十四畝九分五釐二毫九絲又

乾隆七年豁免河坍堤壓地九十八畝九釐

乾隆十年現種行糧熟地八千六百一十五頃五十一畝八分五

釐七毫一絲

康熙十年準額起存倉口熟地五千四百七十一頃七十三畝六分九釐一毫一絲

康熙九年起到乾隆十年止墾首行糧熟地三千一百四十三頃七十八畝一分六釐六毫

原管更名熟荒額地一百一十二頃八十二畝七分五釐內除荒地七十四頃四十八畝六分五釐

乾隆十年現種行糧熟地三十八頃三十七畝一分

今按河南通志臨潁原管民田地除官地七頃九十四畝四分  
實在民田更名熟地一萬七百九十八頃八十畝六分五釐內  
荒蕪地二千二百二十頃七十四畝二分七毫九絲現在行糧  
熟地八千五百七十八頃六畝四分四釐二毫一絲  
每畝連閏派銀二分八釐五絲五忽 更名地同

### 稅糧

順治志稅糧之法三代以上莫備於周之井田至商鞅開阡陌而  
一變而今所用者固商鞅之阡陌也三代以下莫備於唐之限田

至楊炎定兩稅而一變而今所用者又楊炎之兩稅也明以墾田定賦稅夏曰稅秋曰糧國朝因而不改此固楊炎兩稅之遺意耳至於因賦悉役法固多端催科而寓撫字則又存乎其人矣

志糧稅

今案康熙二十九年閩撫憲頒發修志體例賦役止載舊額若干新增新減若干不必一一細註其有關係者全載之今閱順治志載稅糧條目繁多多無關係然古籍舊典未敢妄刪茲據現行科則編載首摘錄道光年許州志所載臨潁稅糧四則以期簡明次錄乾隆志次錄順治志以存舊制而備參攷非敢倒

置蓋以近而現行者列前遠而無關者附後庶閱者一覽而得其要領耳

許州志載臨潁稅糧條目

道光十八年州牧蕭元吉纂

實在民田更名額徵補徵丁銀共二萬三千九百八十兩四錢八分八釐四毫六絲二忽九微三纖一沙五塵內分

起運解布政司庫銀一萬八千六百九十七兩二錢一分三釐二毫四絲二忽九微三纖一沙

遇閏加銀一十八兩八錢七分九釐八絲二忽五微二纖

存留解支等銀八千三百四十一兩二錢三分三釐三絲四忽七

纖

遇閏加銀二百八十六兩八錢七分五釐九毫一絲九忽四微八

纖

乾隆志

現管民田額徵地賦漕價並補徵隨漕銀二萬四千六百一十兩

五錢三分八釐五毫五絲二忽五微一纖四沙

遇閏加銀四百四兩三錢四釐二毫二絲二忽

雍正四年巡撫田 題准丁隨糧轉無論紳矜富戶不分等則一  
例輸將民田更名地畝共攤派丁銀二千三百二十二兩一錢  
二分四釐五毫又

更名地實徵地賦銀一百六兩一錢九分九釐三毫

遇閏加銀一兩四錢五分一釐五毫

共額徵地丁漕價並補徵隨漕等銀二萬七千三十八兩八錢六  
分二釐三毫五絲二忽五微一纖四沙內漕米一項正耗米並  
運軍行糧米共二千四百四十一石四斗七升五勺二抄六撮

歷年本折辦買不一乾隆二年奉文改徵折色每石扣留價銀八錢赴衛輝水次採買又

乾隆五年巡撫雅題准改買黑豆每石價銀仍照八錢扣算應扣出銀一千九百五十三兩一錢七分六釐四毫二絲八微又應扣出隨漕銀一千一百四兩八錢四分六釐三毫二絲九忽三微三纖

實在民田更名額徵補徵丁銀除漕項外共二萬三千九百八十八兩八錢三分九釐六毫二忽三微八纖四沙內分起運解布政

司庫銀一萬八千六百九十七兩三錢二釐七毫六絲二忽三微八纖四沙

遇閏加銀一十八兩八錢七分九釐八毫二忽五微二纖

存留解支等銀五千二百八十三兩五錢三分六釐八毫四絲七纖

遇閏加銀三百八十六兩八錢七分五釐九毫一絲九忽四微八纖歷年增減不一今以現行款項開載

解河道河夫銀二百八十九兩八分二釐八毫

解本州牛角銀五兩四錢八分三釐三毫九絲

解糧務道裁扣銀五百二十二兩三錢

解司鄉飲銀二兩九錢二分七釐六毫

解司經歷司俸工銀二十四兩九錢三分一毫

辦買鉛價銀七十五兩八錢四分五厘

解鉛腳價銀二十六兩二錢二分四釐二毫

本縣知縣除荒實支俸銀一十八兩八錢二分五毫門子二名工

食銀一十二兩皂隸十六名工食銀九十六兩快手八名工食

銀四十八兩快手喂馬草料銀三十六兩一錢三分五釐三毫  
民狀四十名工食銀三百二十兩轎傘扇夫七名工食銀四十  
二兩庫子四名工食銀二十四兩禁卒八名工食銀四十八兩  
斗級四名工食銀二十四兩

本縣典史除荒實支俸銀一十三兩一錢八分二釐七毫馬夫一  
名工食銀六兩門子一名工食銀六兩皂隸四名工食銀二十  
四兩

儒學

教諭  
訓導

俸銀八十兩喂馬草料銀五兩一分八釐八毫齋夫三

名工食銀三十六兩門斗二名工食銀十四兩四錢膳夫二名  
工食銀四十兩

各祠廟祭祀銀共一百五兩五錢二分一釐三毫

修理 文廟銀四兩三錢九分一釐四毫

廩生廩銀五十六兩

舖兵三十八名工食銀二百二十八兩

孤貧口糧銀九十七兩一錢六分三釐七毫五絲

驛馬草料等銀二千九百五十二兩一錢

驛站

原額驛站並協濟共銀三千五百五十一兩七錢二分五釐除荒  
實徵銀一千四百八十五兩四錢五分三釐八毫內除

奉裁舖兵工食徑解司庫銀九十五兩三錢五分七釐二毫又除  
協濟改解司庫銀三百一十兩三錢一釐九毫

實在銀一千七十九兩七錢九分四釐七毫

又收撥協改解留用解司正項銀二千四百五十九兩四錢五釐  
三毫於康熙年間裁汰塘馬二匹歲裁銀三十六兩塘馬夫二

名歲裁銀三十二兩四錢館夫二名歲裁銀三十六兩修理號

房銀七兩五錢館夫四名歲裁銀六十四兩八錢

雍正四年  
裁解司庫

驛塘

共馬六十四匹每匹日裁草料銀一分歲裁銀二百三十兩四錢損轎並留四等夫共一百名每名日裁銀五釐歲裁銀一百八十兩

現在驛馬六十二匹每匹日支草料銀五分歲支銀一千一百一十六兩

馬夫三十四名每名日支工食銀四分五釐歲支銀五百五十兩

八錢

擯轎夫六十名每名日支工食銀四分五釐歲支銀九百七十二

兩

雍正三年奉文減四存六

長養擯轎夫三十六名每名日支工食銀四分五釐歲支五百八

十三兩二錢

留四擯轎夫二十四名每名日留工食銀四分五釐歲留銀三百

八十八兩八錢

俟過歲奏卸完日抵兌  
雇覓半價餘銀候解

獸醫一名日支工食銀二分歲支銀七兩二錢修理號房銀七兩

五錢藥材銀九兩三錢鞍屨銀一十八兩煮料柴值銀一十八兩槽鏹鍋油銀九兩支應廩糧銀四十四兩三錢買補倒馬銀二百兩共支銀二千九百五十二兩一錢

雜稅

當舖二十所稅銀一百兩

原額牙帖稅銀十二兩

原額活稅銀二十兩九錢一分

牙帖新增銀四十四兩一錢一分七釐五毫

活稅新增銀三十六兩六錢九分一釐二毫

牙帖盈餘銀六百七十八兩

活稅盈餘銀五十兩八錢八分

房地稅銀儘徵儘解

房地稅新增銀一十九兩一錢九分一釐三毫

鹽引

原額引五千七百道

新增引五百四十一道

順治志

明

洪武十四年

定夏稅麥三千七百二十九石八斗八升六合二勺五抄絲二千一百八兩八分五釐秋糧米七千七百九十九石三斗七升八合九抄

永樂二十年

夏麥三千七百九十三石四斗四升四合三勺五抄絲二千一百七十九兩九錢五釐秋糧米七千七百九十八石四斗三升二合八勺五抄

宣德七年

夏稅麥二千七百六十五石二斗二升八合三勺五抄絲二千一百七十九兩九錢五釐秋糧米七千七百六十六石七升二合

正統七年

夏稅麥三千七百六十五石二斗二升八合三勺五抄絲二千一百七十九兩九錢五釐秋糧米七千七百六十六石七升二合

嘉靖十年

均糧每地一頃派麥三斗五升二合四勺九抄二撮三圭共派麥三千七百八十九石二斗八升三勺五抄派米七斗二升八合四勺九圭共派米七千七百八十九石四

斗四升  
一合

原額九則丁銀二千八百九十五兩八錢八分四釐七毫五絲五忽七微除逃亡人丁外共派銀一千九百八十三兩五錢四分五釐四毫內除紳衿優免丁銀一十九兩四錢七分實徵丁銀一千九百六十四兩七分五釐四毫

原額地銀一萬九千九百五十八兩一錢七釐二毫七絲四忽八微三纖一沙八塵七埃二渺

萬歷年間加增每畝九釐原額銀九千六百一十七兩三錢五分四釐一毫二項共銀二萬九千五百七十五兩四錢六分一釐

三毫七絲四忽八微三纖八塵七埃二渺遇閏加額銀四百四  
兩二錢二分八釐五毫三絲

清

順治三年正月內巡撫甯 具題奉旨免荒徵熟每畝照依萬曆  
十七年確數徵銀二分五釐九毫七忽二微五纖四沙二塵七  
埃四渺共徵地銀一萬六百九十二兩四錢三釐一毫二絲三  
忽八纖三沙八塵六埃九渺內除紳衿優免銀五百一十九兩  
二錢實徵地銀一萬一百七十三兩二錢三釐一毫二絲三忽

八緘三沙八塵六埃九渺

丁地二項共實徵銀一萬二千一百三十七兩三錢七分八釐五毫三絲三忽八緘三沙八塵六埃九渺

戶禮兵工四部折色起運加增九釐宗祿共實徵銀六千九百二十九兩四錢四分八釐

戶工二部本色漕米牛角共實徵銀一千八百五十二兩六錢三分二釐九毫

存留各上司並本縣官俸役食河夫驛站賓興支發等項共實徵

銀二千五百三十九兩三錢五分八釐九毫二絲三忽八纖三沙八塵六埃九渺

裁扣裁剩改解戶部實徵銀八百一十五兩八錢三分八釐七毫戶部夏稅折色起運

陝西延綏料豆原額銀一百七十二兩二錢七分八釐三毫四絲五忽一纖

除荒實徵銀六十七兩六錢七分五厘八毫

大同銀億庫小麥原額銀五百九十九兩二錢五毫八絲九忽九

徵九織

除荒實徵銀二百三十五兩二錢四分六釐三毫

稅絲折京庫絹原額銀七十六兩五錢九分六毫七絲五忽

除荒實徵銀三十兩六分九釐五毫

農桑絲綿折京庫絹原額銀五十一兩五錢九分五釐五忽

除荒實徵銀二十兩二錢五分六釐二毫

保定府左右廣盈二倉小麥原額銀五十一兩二錢六分一釐二

毫

除荒實徵銀二十兩一錢六分四釐四毫

額剩原額銀八十九兩九錢四分三釐六毫八絲九忽八微

除荒實徵銀三十五兩三錢一分一釐九毫

協濟昌平州原額銀二兩

除荒實徵銀七錢八分五釐二毫

以上夏稅折色原額銀一千四十三兩六分九釐五毫四忽八

微

除荒實徵銀四百九兩五錢九釐三毫

戶部秋糧折色起運

峪口張家莊馬房倉黑豆原額銀二十七兩九錢六分八釐

除荒實徵銀十兩九錢八分二毫

吳家駝牛房倉黑豆原額銀十二兩二錢五分七釐二毫四絲八

微

除荒實徵銀四兩八錢一分二釐二毫

御馬倉菽豆原額銀七十七兩一錢

除荒實徵銀三十兩二錢六分九釐五毫

石匣倉米原額銀二百九十四兩六錢三分五釐一毫

除荒實徵銀一百五十四兩九錢三分三釐八毫

龍門倉米原額銀二百七十二兩

除荒實徵銀一百六兩七錢八分七釐三毫

宣府在城宣德等三倉米原額銀三百八十一兩三錢三分六釐

一毫五絲

在字疑當作任

除荒實徵銀一百四十九兩七錢一分二釐六毫

長安嶺堡倉米原額銀二千一百八十五兩六錢九分六厘六毫

一絲

除荒實徵銀八百五十八兩一錢四釐九毫

太倉米原額銀二十九兩八錢三分一釐六絲九忽四微

除荒實徵銀十一兩七錢一分一釐七毫

富戶原額銀二兩

除荒實徵銀七錢八分五釐二毫

以上稅糧折色原額銀三千三百八十五兩六錢九分六釐六

毫二絲

除荒實徵銀八百五十八兩一錢四釐九毫

戶部馬草折色起運

壩上倉草原額銀九十二兩七錢四分

除荒實徵銀二十兩七錢五釐七毫

中府外場草原額銀五十兩五錢三分五釐

除荒實徵銀二十兩二錢三分二釐七毫

北高倉草原額銀三兩一錢二分

除荒實徵銀一兩二錢二分四釐九毫

御馬倉內場草原額銀一百五十兩三錢四分五釐

除荒實徵銀五十九兩二分五厘五毫

安仁坊草原額銀一百兩

除荒實徵銀三十九兩二錢六分

巨庸倉草原額銀一百兩

除荒實徵銀二十九兩二錢六分

宣府在城草場草原額銀三十三兩六錢一分

除荒實徵銀十三兩一錢九分五厘三毫

太倉銀庫草原額銀七十兩

除荒實徵銀二十七兩四錢八分二厘

以上馬草折色原額銀五百六十一兩三錢五分

除荒實徵銀二百二十兩三錢八分六厘一毫

宣府鹽鈔折色起運

鹽鈔帶閏原額銀一百三十四兩七錢三分八厘四毫

除荒實徵銀五十二兩八錢九分九厘三毫

加增九釐原額銀九千六百一十七兩三錢五分四釐一毫

除荒實徵銀二千七百一十四兩四錢六分六釐五毫

禮部折色起運

藥材原額銀一兩二錢五分

除荒實徵銀四錢九分八毫

光祿寺小麥原額銀七兩九錢三分七釐七毫三絲五忽

除荒實徵銀三兩一錢一分二厘四毫

光祿寺菜豆原額銀四十八兩

除荒實徵銀一十八兩八錢四分四釐八毫

以上禮部光祿寺折色原額銀五十七兩一錢七分七釐七毫  
二絲五忽

除荒實徵銀二十一兩二錢四分八釐

兵部折色起運

京班柴直皂隸工食原額銀一百三十二兩遇閏加銀十一兩

除荒實徵銀五十一兩八錢二分三釐二毫

滴珠原額銀五兩五錢遇閏加銀四錢五分八釐三毫三絲

除荒實徵銀二兩一錢五分九釐三毫

以上京班柴直原額銀一百三十七兩五錢

除荒實徵銀五十三兩九錢八分二釐五毫

工部折色起運

胖衣十七副每副額銀一兩五錢共銀二十五兩五錢奉部文每

副加銀一兩二錢共銀二十兩四錢前後共銀四十五兩九錢

除荒實徵銀一十八兩二分四釐

磚料原額銀一十四兩八錢

除荒實徵銀五兩八錢一分五釐

料價原額銀三百七十兩

除荒實徵銀一百四十五兩二錢六分二厘一毫

奉文新添歲緞折價原額銀四十九兩二錢六分

除荒實徵銀十九兩三錢三分九釐五毫

盔十二頂每頂折銀三兩五錢共銀四十二兩

除荒實徵銀一十六兩四錢八分九釐二毫

甲十二副每副折銀七兩五錢共原額銀九十兩

除荒實徵銀三十五兩三錢二分四釐

腰刀十二口每口折銀二兩共銀二十四兩

除荒實徵銀九兩四錢二分二毫

撒袋十二副每副折銀二兩共銀二十四兩

除荒實徵銀九兩四錢二分二釐二毫

箭五百枝每枝折銀一錢共銀五十兩

除荒實徵銀十九兩六錢三分

弓絃十條每條折銀一錢共銀一兩

除荒實徵銀三錢九分二釐六毫

料銀十三兩八錢七分二厘五毫

除荒實徵銀五兩四錢四分六釐三毫

鋪墊銀九兩六錢

除荒實徵銀三兩七錢六分九厘

燒造原額銀五兩六錢九分一厘六毫

除荒實徵銀二兩二錢三分四厘五毫

軍器腳價原額銀三兩七錢九分四釐四毫六絲六忽三微九纖

八沙四塵

除荒實徵銀一兩四錢八分九釐七毫

軍器料價銀三兩二錢四分九釐一毫五絲七忽四纖三沙四塵  
七埃二渺

除荒實徵銀一兩二錢七分五釐六毫

以上工部折色原額銀七百四十七兩一錢六分七厘七毫二  
絲三忽四微四纖一沙八塵七埃二渺

除荒實徵銀二百九十三兩三錢三分八釐二毫

戶部本色起運

正兌漕米原額三千石每石徵銀八錢六分六釐八絲二忽五微

原額銀二千五百九十八兩二錢四分七厘五毫

除荒實徵米一千一百七十七石八斗六勺

除荒實徵銀一千二十兩七分二釐五毫

耗米原額八百四十石

除荒實徵米三百二十九石七斗八升四合一勺六抄八撮

隨漕運軍行糧米原額六百石每石折銀八錢原額米價銀四百

八十兩

除荒實徵米二百三十五石五斗六升一勺二抄

除荒實徵銀一百八十八兩四錢四分八釐一毫

盤剝原額銀四十五兩

除荒實徵銀十七兩六錢六分七釐

輕賚原額銀二百四十兩

除荒實徵銀九十四兩二錢二分四釐

折蓆原額銀十兩五錢

除荒實徵銀四兩一錢二分二釐三毫

臨清倉正米原額一千四百八十三石七斗一合六勺七抄五撮  
每石折銀八錢原額銀一千一百八十六兩九錢六分一釐三  
毫四絲

除荒實徵米五百八十二石五斗一合六勺

除荒實徵銀四百六十六兩一釐三毫

耗米原額一百四十八石三斗七升一勺六抄七撮五圭

除荒實徵米五十八石二斗五升一勺六抄

德州倉正米原額一百四十七石七斗一升三合每石折銀八錢

原額米價銀一百一十八兩一錢七分四毫

除荒實徵米五十七石九斗九升二合二勺

除荒實徵銀四十六兩三錢九分三釐七毫

耗米原額一十四石七斗七升一合三勺

除荒實徵米五石七斗九升九合二勺二抄

工部本色起運

弓十張折角十副每副折銀四兩共銀四十兩

除荒實徵角三副九分二釐六毫

除荒實徵銀十五兩七錢四釐

以上漕米牛角輕折盤剝共實徵銀一千八百五十二兩六錢三分二釐九毫

宗祿折色款項

折色原額銀一千二百七兩六錢

除荒實徵銀四百七十四兩一錢四釐

官俸原額銀一百七十二兩一錢

除荒實徵銀六十七兩五錢六分六釐五毫

民較等役工食原額銀五百五十二兩

除荒實徵銀二百一十六兩七錢一分五釐三毫

雜項等用原額銀一百九十三兩四錢一分七釐九毫三絲七忽

一微五纖

除荒實徵銀七十五兩九錢三分五釐九毫

以上宗祿改解 戶部實徵銀八百三十四兩三錢二分一釐

七毫

上司存留遵奉 部文除荒實徵熟

修理

龍亭銀一兩

除荒實徵銀三錢九分二釐六毫

修理

文廟銀一十兩五錢

除荒實徵銀四兩一錢二分二釐三毫

按院吏書二名每名歲支銀二十八兩八錢共銀五十七兩六錢

遇閏加銀四兩八錢

除荒實徵銀二十二兩六錢一分三釐九毫

布政司經歷薪銀每年四十八兩遇閏加銀四兩

除荒實徵銀十八兩八錢四分四釐八毫

正理問薪銀

與經歷同

都司書辦一名歲支銀七兩二錢遇閏加銀六錢

除荒實徵銀二兩八錢二分六釐七毫

門子一名

與書辦同

馬夫一名

與書辦同

睢陳 道吏書五名每名歲支銀十二兩共銀六十兩遇閏加銀五兩

除荒實徵銀二十三兩五錢五分六釐

本府清軍廳快手八名每名歲支銀七兩二錢共銀五十七兩六錢遇閏加銀四兩八錢

除荒實徵銀二十二兩六錢一分三釐八毫順治九年四月會議每名月給銀五錢共銀四十八兩除荒實徵銀一十八兩八錢四分四釐八毫裁銀九兩六錢除荒實徵銀三兩七錢六分九

釐解部

燈夫二名每名歲支銀七兩二錢共銀十四兩四錢遇閏加銀一兩二錢

除荒實徵銀五兩六錢五分三釐四毫順治九年四月會議每名月給銀五錢共支銀十二兩除荒實徵銀四兩七錢一分一厘二毫裁銀二兩四錢除荒實徵銀九錢四分二厘二毫解部

管糧通判桌圍傘扇每年銀十兩

除荒實徵銀三兩九錢二分六釐

北河捕同知心紅紙張三季銀一十五兩

除荒實徵銀五兩八錢八分九釐

以上龍亭起至北河捕止除扣外實徵銀一百三十兩二錢二分五釐五毫

本縣存留知縣一員

俸銀每年二十七兩四錢九分遇閏加銀二兩二錢九分八厘  
除荒實徵銀十兩七錢九分二厘七毫

薪銀每年三十六兩遇閏加銀三兩

除荒實徵銀十四兩一錢三分三厘六毫

心紅紙張油燭公費每年銀三十兩

除荒實徵銀十一兩七錢七分八厘

修宅家伙每年銀二十兩

除荒實徵銀七兩八錢五分二厘順治九年四月會議全裁解

部

迎送上司傘扇每年銀十兩

除荒實徵銀三兩九錢二分六釐

修理監倉每年銀二十兩

除荒實徵銀七兩八錢五分二釐

六房吏書十二名每名工食銀十兩八錢共銀一百二十九兩六錢遇閏加銀十兩八錢

除荒實徵銀五十兩八錢八分一釐順治九年四月會議每名月給銀五錢共銀七十二兩除荒實徵銀二十八兩二錢六分七釐二毫裁銀五十七兩六錢除荒實徵銀二十兩六錢一分三釐

釐八毫解部

門子二名每名工食銀七兩二錢共銀十四兩四錢遇閏加銀一兩二錢

除荒實徵銀五兩六錢五分三釐四毫順治九年四月會議每名  
月給銀五錢共銀一十二兩除荒實徵銀四兩七錢一分一釐  
二毫裁銀二兩四錢除荒實徵銀九錢四分二釐二毫解部  
皂隸十六名每名工食銀七兩二錢共銀一百一十五兩二錢遇  
閏加銀九兩六錢

除荒實徵銀四十五兩二錢七釐五毫順治九年四月會議每名

月給銀五錢共銀九十六兩除荒實徵銀二十七兩六錢八分九釐六毫裁銀一十九兩二錢除荒實徵銀七兩五錢三分七

釐九毫解部

快手八名每名工食並馬草料銀一十八兩共銀一百四十四兩  
遇閏加銀十二兩

除荒實徵銀五十六兩五錢三分四釐五毫順治九年四月會議  
除馬草料不扣外每名月給銀五錢共銀一百三十四兩四錢  
除荒實徵銀五十二兩七錢六分五釐五毫裁銀九兩六錢除

荒實徵銀三兩七錢六分九釐解 部

民壯五十名每名工食銀七兩二錢共銀五百六十兩遇閏加銀三十兩

除荒實徵銀一百四十一兩三錢三分六釐一毫順治九年四月  
會議每名月給銀五錢共銀三百兩除荒實徵銀一百一十七  
兩七錢八分一釐裁銀六十兩除荒實徵銀二十三兩五錢五  
分六釐解 部

燈夫四名每名工食銀七兩二錢共銀二十八兩八錢遇閏加銀

二兩四錢

除荒實徵銀十一兩三錢六釐九毫順治九年四月會議每名月  
給銀五錢共銀二十四兩除荒實徵銀九兩四錢二分二釐四  
毫裁銀四兩八錢除荒實徵銀一兩八錢八分四釐五毫解

部

看監禁子八名每名工食銀七兩二錢共銀五十七兩六錢遇閏  
加銀四兩八錢

除荒實徵銀二十二兩六錢一分三釐八毫順治九年四月會議

每名月給銀五錢共銀四十八兩除荒實徵銀十八兩八錢四分四釐八毫裁銀九兩六錢除荒實徵銀三兩七錢六分九釐

解部

傘扇轎夫七名每名工食銀七兩二錢共銀五十兩四錢遇閏加銀四兩二錢

除荒實徵銀十九兩七錢八分七釐一毫順治九年四月會議每名月給銀五錢共銀四十二兩除荒實徵銀一十六兩四錢八分九厘二毫裁銀八兩四錢除荒實徵銀三兩二錢九分七釐

八毫解 部

倉書一名工食銀十二兩遇閏加銀一兩

除荒實徵銀四兩七錢一分一厘二毫順治九年四月會議月給銀五錢共銀六兩除荒實徵銀二兩三錢五分五釐六毫裁銀六兩除荒實徵銀二兩三錢五分五厘六毫解 部

庫書一名

與倉書同

庫子四名每名工食銀七兩二錢共銀二十八兩八錢遇閏加銀

二兩四錢

除荒實徵銀一十一兩三錢六釐九毫順治九年四月會議每名  
月給銀五錢共銀二十四兩除荒實徵銀九兩四錢二分二厘  
四毫裁銀四兩八錢除荒實徵銀一兩八錢八分四厘五毫解  
部

斗級四名

與庫子同

本縣典史一員

俸銀每年一十九兩五錢二分遇閏加銀一兩六錢二分六厘七  
毫

除荒實徵銀七兩六錢六分三釐六毫

薪銀每年十二兩遇閏加銀一兩

除荒實徵銀四兩七錢一分一厘

書辦一名工食銀七兩二錢遇閏加銀六錢

除荒實徵銀二兩八錢三分六釐七毫順治九年四月會議每月

給銀五錢共銀六兩除荒實徵銀二兩三錢五分五釐六毫裁

銀一兩二錢除荒實徵銀四錢七分一釐一毫解部

門子一名

與書辦同

馬夫一名與書辦同

皂隸四名每名工食銀七兩二錢共銀二十八兩八錢遇閏加銀二兩四錢

除荒實徵銀一十一兩三錢六釐九毫順治九年四月會議每名月給銀五錢共銀二十四兩除荒實徵銀九兩四錢二分二釐四毫裁銀四兩八錢除荒實徵銀一兩八錢八分四釐五毫解部

儒學教諭

俸銀每年一十九兩五錢二分遇閏加銀一兩六錢二分六釐七毫

除荒實徵銀七兩六錢六分三釐六毫

薪銀每年一十二兩遇閏加銀一兩

除荒實徵銀四兩七錢一分一釐二毫

喂馬草料每年銀

與薪銀同

書辦一名工食銀七兩二錢遇閏加銀六錢

除荒實徵銀二兩八錢二分六釐七毫

門斗五名每名工食銀七兩二錢共銀三十六兩遇閏加銀三兩  
除荒實徵銀十四兩一錢三分三釐六毫

齋夫六名每名工食銀十二兩共銀七十二兩遇閏加銀六兩

除荒實徵銀二十八兩二錢六分七釐

儒學訓導

俸銀

與教諭同

薪銀

與教諭同

喂馬草料銀

與教諭同

膳夫二名每名工食銀二十兩共銀四十兩遇閏加銀三兩三錢三分三釐三毫

除荒實徵銀十五兩七錢四釐

以上本縣俸銀起至膳夫止除裁扣外實徵銀四百八十一兩九錢七分五釐六毫

起解存留

河夫一百九十二名每名工食銀三兩六錢共原額銀六百九十一兩二錢

除荒實徵銀二百七十一兩三錢六分五釐三毫

協濟驛站四所

除荒實徵銀五兩三錢三分九釐四毫

報事吏工食銀一兩

除荒實徵銀三錢九分二釐六毫

中軍餼銀一十五兩

除荒實徵銀五兩八錢八分九毫

漕河道公費銀一十兩五錢五釐六毫三絲五忽七微

除荒實徵銀四兩一錢二分四釐五毫

巡青科道書算工食銀二錢六分六厘七毫

除荒實徵銀一錢四厘七毫

本府快手工食抵足新編經費外裁銀三十兩二錢九分四厘

捕盜廳快手工食銀十四兩四錢

除荒實徵銀五兩六錢五分三厘五毫

理刑廳油燭銀二兩

除荒實徵銀七錢八分五厘二毫

順治九年四月會議裁扣本府各役工食實徵銀四兩七錢一分一釐二毫

走遞排夫一百四十四名每名工食銀七兩二錢共原額銀一千三十六兩八錢遇閏加銀八十六兩四錢

除荒實徵銀四百七兩四分七厘九毫

走遞公文舖司兵三十八名每名工食銀六兩共原額銀二百二十八兩遇閏加銀十九兩

除荒實徵銀八十九兩五錢一分二厘九毫

走遞塘馬探馬四名每名工食銀十五兩共銀六十兩遇閏加銀

五兩

除荒實徵銀二十三兩五錢五分六釐

迎送過往上司下程小飯銀八十二兩五錢

除荒實徵銀三十二兩三錢八分九釐五毫

以上驛站起至下程小飯銀止共實徵銀一千一百三十五兩

五錢一分七釐六毫

本縣驛站受協款項

受湯陰縣協濟銀二百兩

舊本作湯縣

受延津縣協濟銀六百四十一兩三錢二分一釐四毫五絲六忽

受孟縣協濟銀六十五兩九錢八釐一毫五絲三忽八微一纖

受布政司撥補銀二千一百八十二兩二錢二分四釐二毫六絲

### 七忽

新舊協濟臨邑銀兩謹按臨潁驛路原爲次衝今則八路所經由郵傳兵符輪蹄啣尾且晚不獲休息驛路較之徵解簿書之務尤瘁瘁極矣雖有新舊發協而馬止於六十四不能給郵符之半况

撥協銀兩每年若望歲望河荒疲水旱頻仍流移之衆靡所定處  
臨邑宜廩當事之憂者固多而驛遞長顧卻計更有翹企矣

本縣支發款項

縣倉麥米學倉小麥棗子易米四項撥給廩生二十名歲支銀一  
百六十八兩遇閏加銀十四兩

除荒實徵銀六十五兩九錢五分六釐八毫

撥給孤貧二十五名歲支月糧銀六十三兩遇閏加銀五兩二錢  
五分

除荒實徵銀二十四兩七錢三分三釐八毫

壇廟祭祀銀九十四兩

除荒實徵銀三十六兩九錢四釐四毫

奉文新添提學道棚場銀三十兩二錢二分四釐

除荒實徵銀十一兩八錢六分六釐

迎春酒席門神桃符銀五兩

除荒實徵銀一兩九錢六分三釐

鄉飲酒席銀十四兩

除荒實徵銀五兩四錢九分六釐四毫

本縣季考銀二十兩

除荒實徵銀七兩八錢五分二釐

新進生員花紅銀

與季考同

本縣修城銀

與季考同

提學道歲考銀二十五兩

除荒實徵銀九兩八錢一分五釐

新官到任祭神銀四兩

除荒實徵銀一兩五錢七分四毫

孤貧冬衣花布銀十五兩

除荒實徵銀五兩八錢八分九釐

以上縣倉小麥起至孤貧銀止共實徵銀一百八十七兩七錢五分八毫

賓興款項

一年一辦

歲貢盤費每年徵銀二十兩

除荒實徵銀七兩八錢五分二厘

考貢生員花紅每年帶徵銀

與歲貢盤費同

三年一辦

科場每年帶徵銀九兩五錢五分一厘

除荒實徵銀三兩七錢四分九厘七毫

文舉車價每年帶徵銀三兩四錢四分二厘二毫七絲

除荒實徵銀一兩三錢五分三毫二絲二忽八纖三沙八塵六埃

九渺

會試舉人盤費每年帶徵銀七兩一錢六分六厘七毫

除荒實徵銀二兩八錢一分三釐六毫

應試生員盤費每年帶徵銀十七兩

除荒實徵銀六兩六錢七分四厘二毫

舉人坊牌每年帶徵銀一十四兩三分八釐

除荒實徵銀五兩五錢一分一釐三毫

進士坊牌每年帶徵銀四兩五錢六分一釐

除荒實徵銀一兩七錢九分七釐

奉文新添武舉科場每年帶徵銀四兩

除荒實徵銀一兩五錢七分四毫

武舉路費每年帶徵銀一兩二錢八分八釐

除荒實徵銀五錢五釐七毫

貢士入監車價每年帶徵銀四兩

除荒實徵銀一兩五錢七分四毫

以上歲貢盤費起至貢士入監止實徵銀四十一兩二錢四分

三毫二絲四忽

本縣裁剩改解 戶部款項

水手工食原額銀三十兩

除荒實徵銀十一兩七錢七分七釐

輕折車價原額銀一兩二錢五分二釐五毫

除荒實徵銀四錢九分一釐七毫

抵還軍門籽粒原額銀八十兩

除荒實徵銀三十一兩四錢八釐

在省團操馬步標兵工食原額銀一百八十二兩六錢

除荒實徵銀七十二兩八分一釐四毫

在省團操馬步民兵工食原額銀六百二十四兩四錢

除荒實徵銀二百四十五兩一錢三分九釐六毫

解府鋪陳原額銀二十四兩

除荒實徵銀九兩四錢二分二釐四毫

解府編剩原額銀二十二兩九錢

除荒實徵銀八兩九錢九分六毫

隨倉帶徵京邊脚價原額銀三十三兩五錢七分九毫五絲九忽

二微四纖

除荒實徵銀十三兩一錢八分

守城壯夫二十四名工食銀一百四十四兩

除荒實徵銀五十六兩五錢三分四釐四毫

各司道油燭除支外應裁銀十兩九錢一分四釐

除荒實徵銀四兩二錢八分四釐八毫

新官到任家伙銀四兩四錢

除荒實徵銀一兩七錢二分七釐五毫

本縣審戶冊榜赤歷油帖紙張銀十二兩

除荒實徵銀四兩七錢一分一釐二毫

驛站帶徵毡毯銀八兩

除荒實徵銀三兩一錢四分八毫

縣學倉棗子易米麥撥給廩生孤貧外剩銀一百六兩二錢七釐

九毫四絲五忽

除荒實徵銀四十一兩六錢九分七釐三毫

主簿一員俸糧原額銀一十六兩八錢

除荒實徵銀六兩五錢九分五厘七毫

薪銀一十二兩

除荒實徵銀四兩七錢一分一釐二毫

馬夫銀四十兩

除荒實徵銀十五兩七錢四釐

門子一名工食原額銀七兩二錢

除荒實徵銀二兩八錢二分六釐七毫

書辦一名

與門子同

燈夫一名

與門子同

皂隸四名工食原額銀二十八兩八錢

除荒實徵銀十一兩三錢六厘九毫

修理衙舍銀三十兩

除荒實徵銀十一兩七錢七分八厘

迎送上司除留外裁銀二十七兩五錢

除荒實徵銀十兩七錢九分六厘五毫

朔望行香講書銀二十兩

除荒實徵銀七兩八錢五分二厘

以上水手工食銀起至朔望止共實徵銀五百八十一兩八錢一分二厘一毫

本縣舊編撫按司道府廳經費除抵兌新編經費外餘剩裁解款項

都察院健兵工食原額銀六十六兩

除荒實徵銀二十五兩九錢一分一厘六毫

按院包本什物銀三兩

除荒實徵銀一兩一錢七分七厘八毫

布政司鹽鈔原額銀一百三十兩二錢五分二釐

除荒實徵銀五十一兩一錢九分一釐九毫

新添書吏工食抵足新編經費工食外裁銀七分

除荒實徵銀二分七釐五毫

公費銀五十兩

除荒實徵銀十九兩六錢二分

皂隸工食銀二十一兩三錢六分五釐五毫一絲

除荒實徵銀八兩三錢八分八釐一毫

驛傳道中軍廩餼三兩

除荒實徵銀一兩一錢七分七釐八毫

分巡道心紅銀除抵足新編經費外裁銀一兩六錢

除荒實徵銀六錢二分八釐二毫

本縣修宅家伙各役工食實徵銀八十七兩三錢

本縣原有福周徽三府遺留欽賜贍田共地一百一十二頃八十

五畝七分五厘內除

荒地一百一頃一十七畝三分五厘

見種熟地一十一頃六十八畝四分奉

文遵照民田一例徵租

本縣原有萊陽永甯二府遺留自置民田共地四頃內有熟地十八畝奉文變價入里行差未變價荒地三頃八十二畝

臨潁自順治十二年定冊炤萬歷加增九厘每畝派銀二分五厘

九毫七忽二微五纖四沙二塵七埃四渺

十七年正月

定派錢糧照萬曆年間則列其天啓崇禎加增盡行蠲免矣

附記於此

### 附稅

附稅一項由財政部奏准通飭收入以錢爲本位凡行糧地一畝每年應繳附稅錢六十文隨同丁地正供一併完納自民國四年七月一號起

### 差役

舊志不詳今增入

增按順治乾隆舊志俱有差役之目而皆不載其法豈民可使由之不可使知之歟抑君子用其一緩其二有年無年隨時變通不

可爲常歟舊云法載儀門碑今攷碑記略與順治志稅糧類同或疑丁糧合一差役卽寓稅糧中若然則今之車馬是再征矣豈其然乎其詳不可得聞也光緒三十年知縣蔣世芳改更車馬章程今并著其法以備用法者覽焉

車馬舊章以八十畝地爲則民戶地足八十畝者派差驛八頭不足者册書不得妄派妄派有懲每車四驛共車二百七十八輛按簿輪流不得增減分設三廠上五中五下四各保紳士住各廠支差其大差過境當支驛馬不及八十五匹者册書每名幫馬二匹過今猶行之創立未詳縣照壁前有咸豐五年碑亦不詳今撮其大畧如此

光緒二十八年蔣令蒞任以舊章日久弊多銳意改更不論地之

多寡每畝派錢三十文隨糧徵收名曰差徭歲收錢二萬一千緡  
有奇設一車馬總局支差以邑紳司之三十年正月辦成二月撤  
任代理王鑄又加改更今備載於後

現車馬局改作公款局兼理車馬技仍記車馬者爲志差役也

知縣蔣世芳更改車馬章程原稟

敬稟者前因<sup>卑</sup>縣車馬局流弊日多當經稟蒙 憲臺批准更改

章程在案旋復邀集紳耆並新舊首事反覆妥議光緒三十年正月三十日以前仍歸三廠照舊章辦理因三廠餘款足敷一月支銷也二月初一日起統歸總局照新章辦理竊查<sup>卑</sup>縣額地八千

六百五十三頃除向不支差之粟地及廟寺孟姓暨絕戶懸糧鐵路所占各地外實存上地六千七百五十五頃每畝派差徭錢三十文其餘地畝除絕糧鐵路兩項無從征收外其粟地廟地孟姓地共計一千六百三十五頃每畝派錢五文約共得錢二萬一千串之譜卑縣共有十四保每保公舉殷實公正紳士數人以備充當車馬局首事四人一班薄給薪水各管事業每月更換一次另派總辦二人亦給薪水每年一換長川住局照料局內買騾三十頭長養車十輛以支流差如主考學差過境另在近城定牌子車

四十輛以輔長養車之不足向來外派之兵車及花戶出錢倩僱  
伺應大差之亂馬均另提錢文由局中僱覓惟查各保冊書向管  
差騾及買地過糧造具征冊並承解省道州奏銷缺冊大計騰錄  
交代賦役全書各項冊費包完絕糧津貼外號夫馬草料日用全  
賴妄派差騾收受各花戶幫項告助糧飯錢文以故任意勒索今  
既改章自應一概禁革奏銷缺冊等項冊費以及應完絕糧均由  
局中解納惟各保冊書爲買地過糧造具征冊等事不無心紅紙  
張等費輪流在城之總冊書暨兵房櫃書承辦各項公事以及外

號不敷錢文均歸局中津貼以免藉口其餘錢文以之設立小學  
堂工藝局巡警局購買倉穀等項費用雖今年現無的款擬與紳  
耆商量設法墊款舉辦分期歸還事在必行一俟辦有端倪再行  
詳細稟報惟是改章之始要在積習掃除而經畫初成不無掛一  
漏萬儻有未能盡善之處自應隨時稟明更改所有現擬章程以  
及收支各款理合開具清摺稟請

大人查核俯賜批示祇遵實爲公便肅此具稟恭請

助安伏乞

垂鑒

蔣世芳原定車馬章程條款

一臨潁額設地八千六百五十三畝內除向不支差之粟地一千五百九十畝又孟姓地十二畝廟寺地三十三畝絕戶懸糧地二百五十二畝鐵路占地十一畝實存上地六千七百五十五畝每畝派差徭兵車工藝局巡警局買倉穀等項錢三十文約共得錢二萬零二百串又除絕糧鐵路兩項無從征收外其餘粟地廟地孟姓地共一千六百三十五畝每畝派兵車小學堂工藝局巡警局買倉穀各捐項錢共五文約共得錢八百串零二共約得錢二萬

一千串之譜

一慎選局紳以重責成也查潁邑十四保每保共舉殷實公正紳士數人以備充當首事四人一班一人專管署內及局中錢庫並收發錢賬一人專管用錢總賬驗收署中車票一人專管日用火食雜用細賬一人專管採買麩料草按日支發清查騾數每月更換一次上下班須交代清楚各具甘結送縣存查每人每月薪水錢四串文按月支領每年共錢一百九十二串文又派總辦二人由公正紳耆公舉每年一換長川住局每日查核各賬鈐蓋圖章硃

筆標日每月將領用各賬開摺報縣一次以便核對二人每月各支薪水錢四串文每年錢九十六串文二共錢二百八十八串文一養長車以支流差也臨潁地當孔道往來差使絡繹不絕擬養長車十輛以支應流差置車十輛買騾三十頭約用錢二千串文每騾每日草料錢一百五十文每年用錢一千六百二十串文二共錢三千六百二十串文

置買車騾二千串次年即可不用提出作小庫堂買積穀之費

一定牌車以輔長車也大差過境每次用車三十餘輛四五十輛不等臨時雇覓不免遲誤茲定牌子車四十輛皆在近城一帶遇有

差事一呼卽至庶不致悞公况長車十輛支應流差常有不給之勢得此牌車以輔之則不虞不給也每車一輛定錢五十串文共

錢二千串文

此款次年不用提作工藝巡警二局之費

一瞻養書役以免擾民也從前冊書經營差驟及買地過糧造具征冊等事署中丁書差役百般需索因之冊書遂藉差驟爲擾累之資如更換差驟官以冊書一稟爲憑彼則高下其手得賄則八十畝及數百畝者尙不支驟否則五六十畝及三四十畝者卽妄派支頂彼此告訐官恐遺悞差事往往偏袒冊書卽或剖晰是非而

花戶已受累不少以故忍隱不言冊書日益膽恣諺云冊書想一

想銀子幾十輛非虛語也在管地五六十畝者向不支騾每年幫冊書錢四五串文三四十畝者幫錢二三串文謂之幫項此外尙有告助禮收糧飯種種需索稍不遂意卽挾差騾以恣其訛詐蚩蚩之民何以堪此今旣改章冊書已不經管車騾卽不准收幫項收糧飯及告助錢文然買地過糧造具征冊等事必籌其經費贍其身家庶免藉口派索查臨糧十四保每保冊書有二名者有三四名者每保每年津貼錢二百串文每年共計錢二千八百串文

又十四保總冊書輪流在城辦公暨兵房承辦月報報銷奏銷各  
差所有心紅紙張飯食油燭等項向由各冊書支應今均改歸局  
中津貼總冊書每月津貼錢五串文每年共計錢六十串文兵房  
每月津貼錢六串文每年共計錢七十二串文他若十四保櫃書  
帶征車馬錢文稽算核對較前事煩亦應略爲津貼今酌定每櫃  
每年津貼錢十串文按上下忙支領每年共計錢一百四十串文  
至於傳車催車向遣差役若輩官票到手任意勒索如遇農忙花  
戶託差役代雇則索價甚昂或雨雪泥濘差役臥票不傳覓車代

拉事後向花戶索價尤昂託詞差事緊急刻不容緩故爾覓車代  
拉花戶明知其詐敢怒而不敢言諺云入署如鼠下鄉如虎謂此  
輩也今既改章傳車催車均由局中經理惟差徭隨糧帶征則催  
征仍資差力向來糧差催糧需索飯食盤費今既帶催差徭恐不  
免借端騷擾亟宜一律禁革不准再有需索酌定每保糧差每年  
津貼錢十千文按季支領計十四保每年共錢一百四十串文五  
共錢三千二百一十二串文

一酌提餘款以津貼外號也臨潁額設驛馬四十八匹馬夫二十七

名每馬每日支銀五分每夫每日支銀四分每年通共溜支銀一千二百餘兩其實不夠繳用向由各册書津貼號內日用每日約錢三千文又每日繳草一千斤無草則繳錢三串文由來已久一旦改章此欸無着不獨驛馬缺餽養卽馬夫亦不敷用度原設馬夫二十七名其實不下五十餘名蓋臨潁地當孔道公文來往南北紛馳絡繹不絕非人多不能供應且若輩情形極苦無論祈寒暑雨半夜五更遇有緊急公文到驛溜馬餽馬備馬作飯送差均係刻不容緩自不能不稍加津貼以示體恤茲酌定每月津貼馬

夫等錢六十串文號草每月津貼錢五十千文每年共錢一千三百二十串文

一酌定局用以示限制也局中日用火食茶煙油燭並廠中油燭及修理鋤刀鞍屨馬槽簸蘿桶索鞭繩套包釘掌挑鑄整車貫藥等項每日准開銷錢三千文每年共錢一千零八十串文又局中雇號頭十名喂騾鋤草挑水六名每名每月工食錢三串文每年共錢五百七十六串文三共錢一千六百六十八串文局中醫獸卽用大號獸醫每月津貼錢一千每年錢十二串文

一活定車價以期撙節也計每年除貢差兵車軍裝協濟等車南北兩站通共約需用車二千數百輛車價賤時每站發錢一千七八至二千不等貴則二千五六至三千不等應由局紳隨時斟酌給價總求撙節經費涓滴歸公向來署內所發飯錢均應一律裁免寬爲打算每年約費錢六千餘串文

一多積餘款以備兵車也查向來有地八十畝者出騾一頭每輪派錢三千由三廠支應流差每年每頭約四輪派錢約十二千遇有貢差兵差軍裝各營領餉及協濟車必需另派謂之外派車此等

車價極貴每輛約五六千七八千不等若遇農忙或雨雪泥濘驟  
戶託差役僱車替拉差役借此訛派每輛三四十千至五六千  
不等民間苦累莫此爲甚今既改章則外派車自應在此三十文  
內以示限制以昭大信但此車雖不常用然必寬爲籌備現錢存  
庫一俟公文到縣卽飭局紳預先寬爲雇備車輛發給餽養在於  
城廂各店伺應庶不致臨時誤事不經差役之手以免訛索再查  
每年各營領餉及拉運軍裝至少亦用車數十輛或百輛而光緒  
二十年用兵車三百八十八輛二十六年用兵車八百四十輛又

貢差車八十二輛二十七年貢差車一百三十七輛二十九年用  
軍裝車四百五十四輛現值多事之秋尤應寬爲籌備擬每年提  
錢一千串爲兵車之費不敷則以他款挹注之有餘則存積庫中  
務使常存三千串之譜以備急需本年已提存錢一千串文

一局中雇馬以支應大差也向有伏馬亂馬二種伏馬者花戶出錢  
倩號中代雇支差其實管號家人之陋規也應行裁免亂馬者大  
差過境由花戶伺應今既改章卽歸局中雇馬照支向來浮冒居  
多自應核實計算每年約需錢五百千文

一承解冊費以重公事也查臨潁應解省道州奏銷缺冊存留大計  
膳錄交代賦役全書各差費或一年一解或三年一解不定向由  
冊書出錢交各房承辦除膳錄一項已經裁免外其餘各款候奉  
到

各憲札催到縣由總冊書赴局領籤易銀分解約計每年應解銀  
二百五六十兩合錢二百七十八千文

一包完絕糧以重

國課也向有絕糧二百數十頃由冊書賠納由來已久今改歸局中

完納粮票均應交局存查每年共計錢八百數十千文

一立小學堂以育人才也臨潁書院每年息錢僅五百千除山長束修火食關聘外每年生童應課獎資不過三百千之譜今擬書院仍遵舊章課以經義策論新建小學堂則恪遵

欽定小學堂章程敬謹次第舉辦但購買書籍聘請教習需款甚鉅擬每年提錢一千五百千文

一多儲粟谷以備荒歉也臨潁現存積谷僅四千一百餘石俱在城內四鄉並無積谷倘遇荒年何堪設想茲擬陸續存儲每歲提錢

五百千文以上兩項現無的款待明年長車餘款二千串舉辦

一設工藝局以興商務也臨潁地隘民稠實有人滿之患加以貧富男女逸居無教遂致游惰失業流爲匪類者不少今欲挽回積習惟有振興工藝務使地無曠土野無游民則自強之基礎也然開辦之初雖有中五車廠房屋藉以經始然規模狹隘將來仍須擴充况購買器具修理房屋僱募工師在在需費茲擬每年提經費錢一千串文

一設巡警局以靖奸宄也臨潁當南北孔道離省不遠往來行人防

範彈壓尤關緊要此爲現在最亟最要之務自應恪遵

頒發巡警章程敬謹辦理惟是練兵費鉅擬每歲提經費錢一千串  
文以上兩項亦無的款待明年牌車餘款舉辦

一印發車票以杜冒濫也向來差事到境惟憑車馬家人白條發車  
不無冒濫今改用連票差事到境由車馬家人持札或差信並署  
中印板車票赴局驗過發車庶免冒濫

一隨糧帶徵以歸劃一也於糧票之外另立差徭券票恐不免完此  
遺彼且事近煩瑣今既隨糧帶徵卽於糧票上添刻一行前行徵

收丁地銀若干次行徵收差徭銀若干庶可一目了然

一預籌的款以經營始事也置買車騾及定牌車需款甚鉅此刻離  
開徵尙遠此款相需甚急因與紳董商量由署內編票錢二千串  
文由紳士具領發給向來支差各騾戶每騾一頭繳錢二千發票  
二張明年開徵後卽以票錢完納差徭以現收之錢置買車騾及  
定牌子車先給半價餘置局中器具什物

一設立賬本以備稽核也向來十四櫃繳丁地錢有簿冊今差徭帶  
徵卽在收丁地錢後另寫一行收差徭錢若干不另立簿以免遺

漏以便稽核又立提錢簿三本一存署一存局一存庫三簿到齊方准提錢

一署內建庫以儲款項也縣署庫房湫隘且不嚴密萬難多存貫錢現在開辦之始無錢可存尙不急急然將來必須在署中外庫附近另修差徭庫一間外護庫兵房一間此則明年必辦之事也庫門設鎖鑰三具一署內管一局紳管一庫房管三鑰到齊方許開庫

一歸入交代以免虧挪也每年徵收差徭錢用度浩繁總須極力撙

節務使歲有贏餘以備急需以辦地方保節賓興諸善舉自應歸入交代以昭鄭重以杜覷覷

一革除陋規以示體恤也查臨潁新官到任向有卯規下馬飯暨大堂陳設幛幔卓裙等件與夫修理大號內號署中房屋廚屋需用麥又與草均係冊書支應此外陋規正難枚舉何怪冊書藉口支官任意派索今既改章冊書除津貼過糧外別無進款所有署中號中一切陋規概行革除以杜藉端苛派之漸

一酌定官車以免累民也向來署內用車漫無限制到任交卸用省

車百十輛不等每車一輛局中開帳至二千五百文均係派之花戶亦謂之外派車甚至有出車以應酬私情者有折價送朋友人情者或折價作署內津貼者種種冒濫紳士知不敢言今爲定章臨穎至省按三大站計算大車每站給價二千文轎車每站給價一千四百文均不再給飯錢到任交卸用車不得過二十輛平日出車無論南北站或省城每月不得過六輛祇准實支實用不准折價

代理王鑄更改蔣世芳所定車馬章程原稟

敬稟者竊<sub>卑職</sub>准前任移交先後奉

各憲札飭辦習藝所巡警局建學堂購積谷等因皆爲當務之急

令在必行行且宜速之政<sub>卑職</sub>謬膺斯邑目擊時艱敢不認真經

理以圖報稱惟是舉辦非艱籌款惟艱因查<sub>卑縣</sub>車馬改章一案

經<sub>卑</sub>前縣蔣令稟定章程內有酌提辦理各項經費擬於置買車

驟定牌子車兩項明年不用之後分別扣錢擬辦未免緩不濟急

隨復將原定章程悉心參酌雖征收錢文入僅敷出但力求撙節

尙有應行酌減之處並有暫可緩辦之條挹彼注茲差堪應急不

致無米爲炊謹詳陳其略如十四保冊書每保有三名四名五名不等原議按保歲給津貼錢二百串文不但多寡不均且爲數過鉅况自車馬改章以後該冊書應出一切陋規均行裁免應解冊費等項均爲代籌花消無多應行酌減計歲節省錢一千九百串文原議養長車十輛支應流差復定牌車四十輛以輔長車之不足固屬斟酌盡善第養車費用不貲不如牌車便而且省擬請加定牌車十輛將長養車馬暫停並裁免局中號頭人等一切雜項費用計歲節省錢四千零六十八千文惟<sub>卑</sub>縣地當孔道南通湖

廣北達幽燕冠蓋絡繹於途餉鞘人犯不絕歲支車馬本無定數  
一時車不敷用必須趕爲僱覓若時值農忙價較尋常必倍原  
議約需錢六千餘串恐不敷用擬請加錢一千串文又蔣令稟明  
籌解常備軍餉五百串擬令局紳格外節省提解查練兵籌餉爲  
目前最要之圖此款豈可虛懸無着現擬照數提出按時批解以  
期無誤餉需天災流行國家代有原議提備兵差貢差軍裝協濟  
等車錢文而於備荒一層未經議及倘遇水旱錢糧尙難征收車  
馬差錢豈能如數勢不得不綢繆未雨思患預防擬歲提錢一千

串文合提備兵車等項一併存儲以備不時之需但今年餘款無多擬暫提五百串存庫明年款有富餘再多提五百串以補今年之不足至於局總常川住局總冊書在城辦公櫃書征收錢文兵房事雜人多馬夫署兩祁寒長途奔走均屬困苦異常似宜量加優恤原議津貼之數恐難養其身家擬請分別加增歲共加錢八百一十二千文又戶房辦理糧票署內經手人稽查核對均屬事繁且重前經局紳稟請歲給戶房糧票紙錢一百串署內經手人津貼錢三百串蔣令批准未及稟明卸事茲查該局紳所議尙屬

公允應請照辦計歲共需錢四百串文通籌合算除應加添各項  
外計尙盈餘錢二千七百餘串擬由卑職先將習藝巡警等事妥  
議章程稟請試辦如有盈餘卽行購買積谷總期實事求是款不  
虛糜以仰副我

憲臺勵精圖治之至意似此量爲變通而衆端可舉於地方實屬大  
有裨益是否有當理合將蔣令原議章程卑職斟酌損益之處併  
繕清摺稟請

大人帥鑒核批示祇遵再事屬移緩就急間有可權可變自應隨時核

明稟辦合併聲明肅此具稟

王鑄更改蔣世芳原定車馬章程條款

一原議上地六千七百五十五頃每畝派差徭錢三十文粟地一千六百三十五頃每畝派差徭錢五文二共約得錢二萬一千串之譜等語察看尙屬公允應請照辦

一原議局總二人首事四人每人月支薪水錢四千文共計每年錢二百八十八千文等語查局總二人常川辦公不似首事每月替換勞逸不同薪水自應稍爲區別現擬首事四人仍每人月支薪

水錢四千文每年錢一百九十二千文局總二人每人月加薪水錢一千文共計每年錢一百二十千文二共錢三百一十二千文較原議多出錢二十四千文

又原議首事四人一人專管署內及局中錢庫並收發錢賬一人專管用錢總賬驗收署中車票一人專管日用火食雜用細賬一人專管採買麩料草按日支發清查驛頭四人一班每月更換一次等語現擬不養長車所管各事自應稍爲變通擬改一人專管收發錢文總賬並發車價流水兼收車票一人專管日用火食雜用

流水並分類清賬一人專管錢櫃並與前二人幫賬一人專管赴署領錢並稽查上站原來車數及局中一切雜事仍以四人爲一班每月更換一次

又原議局總二人常川住局每日查核各賬鈐蓋圖章硃筆標日每月將領用各賬開單報縣一次等語查局總非委員可比何得擅用硃筆未便假以便宜現擬局總二人專管查核各賬蓋用圖章每月將領用各賬開單報縣一次並將賬簿送縣過硃以免弊混

一原議養長車十輛置車買騾約用錢二千串文牲口喂養每年用

錢一千六百二十千文二共錢三千六百二十千文等語查養長車糜費過鉅不如多定牌車應用需費較省現在一切新政急待舉行自應移緩就急通融騰出錢文以應急務現擬加定牌子車十輛共付定錢五百串文暫時不養長車歲可節省錢三千一百二十千文嗣後款有盈餘車不敷用再行隨時稟明辦理

一原議定牌子車四十輛每輛定錢五十千文共用錢二千串文等

語察看辦法甚便應請照辦

此款次平不用提作小學堂工藝局之費

一原議十四保冊書每保每年津貼錢二百千文共計每年錢二千

八百千文等語查冊書自車馬改章以後應出一切陋規均行裁免應解冊費包完絕糧均爲代籌花消無多所定津貼爲數過鉅且每保冊書二名至四五名不等按保津貼未免苦樂不均現擬十四保冊書共四十五名每名每年津貼錢二十千文共錢九百千文較原議節省錢一千九百千文又原議總冊書每月津貼錢五千文十四保櫃書每保每年津貼錢十千文兵房每月津貼錢六千文十四保糧差每保每年津貼錢十千文四項共計每年錢四百一十二千文等語查總冊書終年在城辦公勞苦異常櫃書

經收車馬錢文兵房承辦車馬事件俱屬繁重均應酌加津貼以示體恤現擬糧差仍照舊每保每年津貼錢十千文共計錢一百

四十千文總書每月加錢五千文每年共計錢一百二十千文十

四保櫃書每保每年加錢十千文共計錢二百八十千文兵房每月加錢十九千文每年共計錢三百千文四共錢八百四十千文

又查戶房承辦糧票紙張向由冊書每年津貼錢一百二十千文今既改章此款無着情形甚苦至署內經手人等稽查核對事亦

繁重前經局紳稟請每年給戶房糧票紙錢一百千文每月給署

內經手人等津貼錢二十五千文每年錢三百千文經卑前縣蔣  
令批准自應照辦二共錢四百千文以上較原議多出錢八百二  
十八千文

一原議外號馬夫每月津貼錢六十千文號草錢五十千文共計每  
年錢一千三百二十千文等語查津貼馬夫錢六十千文照從前  
冊書津貼號內錢數每月僅省錢三十千文想馬夫人數衆多祁  
寒暑雨晝夜奔馳勞苦已極擬照舊章錢數每月津貼錢九十千  
文以示體恤每年共計錢一千零八千文號草仍照原議發給

每年錢六百千文二共錢一千六百八十千文較原議多出錢三百六十千文

一原議局中火食油燭紙張以及修理鋤刀鞍屨馬槽一切雜用每日准開銷錢三千文又僱號頭十名打雜六名每名每月工食錢三千文獸醫一名每月津貼錢一千文三項共計每年錢一千六百六十八千文等語今既不養長車則號頭打雜獸醫人等均可不用雜項亦可節省現擬局中火食等項每日准開銷錢二千文每年共計錢七百二十千文較原議節省錢九百四十八千文

一原議除兵差貢差軍裝協濟等車支應南北兩站流差車輛每年約需錢六千餘串文等語查流差到站多寡不等均應隨到隨發一時車不敷用必須趕爲雇覓如遇農忙車價較平時則加數倍且原議每年用車二千數百輛省車並未議及寬算每年約用車三千輛約需錢七千餘串文較原議多錢一千串文

倘若開支有餘臨時

稟明明年辦各新政

一原議每年提錢一千串文以備兵差貢差軍裝協濟等車之費等語查兵車固宜預備而年荒不可不防遇有歉收年分錢糧尙難

征收車馬差錢豈能照完若不預爲籌備必致臨時貽誤現擬除提兵差車價錢一千串之外另提備荒錢一千串文較原議多提

錢一千串文

今年餘款無多擬暫提五百千文存庫明年款有富餘再多提五百千文以備今年之不足如此應較原議多提錢五百千文

一原議支差亂馬改歸局中雇覓每年約需錢五百串文等語查此亂馬不時支應僱覓維艱現經局紳稟請包給外號馬夫辦理以省煩瑣自屬可行應請照辦每年仍提錢五百串文

一原議承解各項冊費每年應解銀二百五六十兩合錢二百七十八千文等語查銀價漲落無定不得不寬爲預備現擬每年提錢

三百千文較原議多出錢二三十千文

一原議包完絕糧每年計錢八百數十千文等語查此絕糧向由冊書賠納今既改章冊書不能代賠應照原議每年提錢八百數十千文

一蔣令稟明提常備軍餉錢五百千文不在原議各款之列因征收差徭錢文入僅數出故令局紳格外節省提解現議既有盈餘錢文自應照數提出俾免虛懸擬自光緒三十年爲始每年提解錢五百千文

以上較原議節省錢五千九百六十八千文除應加各項外計  
尙盈餘錢二千七百二十六千文擬請提出先辦巡警習藝所  
購儲積穀之費理合登明

光緒三十年二月十四日城東南一帶村民因差徭事來城繳納  
農器幾致激變事聞蔣令撤任王令鑄代理將局中及庫吏印簿  
鎖鑰皆取去於是差徭出納官獨司之

三十四年邑紳具稟 上憲撫帥林 批仍照蔣令原議凡動支  
差徭必官紳同至三鑰到齊方許開庫今將原稟及原批附後

稟

爲霸權自由浸滋流弊公懇恪照舊章以期樽節而辦新政事緣  
臨穎車馬款項由前蔣仁天稟明各

上憲每地一畝派錢三十文隨糧代征約得錢兩萬一千有奇支差  
以外擴辦一切新政所收差徭別儲一庫冊簿三本鎖鑰三件署  
內局中庫吏更執其一三鑰到齊方準開庫官紳一體諸事商酌  
意美法良洵善政也詎王任接事權歸獨攬至今尙未歸正設習  
藝所工藝廠以地方之歛辦地方之事若由紳管縱無厚利亦不

至大虧本金自歸署內經理每年付錢一千五百六十串又據爲定例迨今兩項合算約化錢五千一百八十餘串文不惟無利本亦盡虧至章任更有甚者四鄉巡警毫無影响開支錢七百餘串遷改工藝廠建房十一間約費四百餘串反開支一千五百餘串聖廟僅刷黃色與修衙署開支錢六百餘串每年所收差徭又勒扣三千餘串託謂代統陸軍本年及去年之提款借以塞責職等以費多浮冒虛糜稟呈州尊蒙批如何浮冒如何虛糜未遽聲紋明晰本州無從懸揣夫習藝工藝積弊若彼章任妄爲開支又如

此合盤算來所費浮冒虛糜不爲無據况鄉間學堂巡警悉待舉辦若不復照舊章後仍恣意侵吞支差且恐不給安有餘費興辦新政爲此具稟公懇 恩准歸正闔邑均感無既俯乞

撫帥大人 垂鑒

批據稟該縣車馬節年開支浮冒是否屬實飭縣令現派清釐車馬委員趙令按照所稟各情查明詳晰聲敘並舊章是否妥善王前縣如何更改現在應否仍照舊章辦理一併具覆以候核明另諭飭遵

敬稟者職等於本年二月二十三日以臨潁車馬款項霸權自由  
浸滋流弊等情稟 院蒙批該縣車馬節年開支浮冒是否屬實

飭縣令現派清釐委員趙令按照所稟各節查明詳晰具覆等因  
仰見大人關心民瘼力革積弊之至意捧閱之下感被莫名奈今  
已越五旬趙令未到差徭錢仍復浪用巡警派有教習訓練統帶  
本可相兼城守營金因係縣尊親戚轉令伊統帶巡警每月支錢  
十串文工藝廠全不問事每月支錢五千文而且多興土木糜費  
不貲夫以流弊之滋其端又未盡於前稟者如兵房津貼每年七

十二串後竟增至三百串文亂馬爲學院道憲而設現學院裁撤道憲由鐵路來往無用亂馬之處每年仍開亂馬費五百串今縣尊復浪用若此弊日益甚奚由救止再者設立學堂借差徭兩千串原係去年備兵備荒之款縣尊偏挪入本年中甲辰乙巳丙午三年所提備兵荒之錢因谷價昂貴先付票號生息以防意外之變縣尊又欲取用抑思大兵過境殊難預料饑饉薦臻錢糧且難完納誰復繳納差徭以供支差之用乎此款萬不可動職力阻方作罷論竊思臨潁地瘠民貧十室九空前任蔣仁天酌定車馬

章程按畝派錢每年得錢二萬一千有奇若紳董經理諸事節省  
一年可餘錢四五千串少加籌措四鄉學堂巡警悉可興辦因縣  
尊霸權獨攬恣意開支以故反不敷用學堂巡警之費復欲派諸  
民間斯民欲出無資欲抗不能困苦哀號艱難萬狀職等睹此景  
况不忍隱秘用再具稟詳陳懇速發委詳細明查闔邑感德無既  
此案批飭委會縣限十日查覆現逾兩月委員何以尙不前往甚  
屬非是仰支應局卽將該委員嚴加申斥再勒令迅速赴會縣將  
兩次申稟詳細查明限先行稟覆仍速出結由州加結毋任遷延

切切稟覆限三日抄畢仍繳

敬稟者<sup>職</sup>等以臨潁車馬流弊迭次控院蒙批仰支應局令該

委員速赴會縣將兩次申稟詳細查明毋延等因捧讀金批合

邑舉手加額共慶得見天日趙委於本月十三日上午十點鐘到

縣下午四點鐘親詣敝局<sup>職</sup>等於十四日下午偕委將章任所修

工藝廠暨聖廟刷黃色逐一查驗各路巡警亦由趙委問明毫

無影响本宜靜俟稟覆之後諭飭凜遵奚敢躁瀆但歷年浮冒之

弊有不得不一一明揭之者如習藝所工藝廠近效難求成本不

能無所虧折固已但習藝所果每年虧折六百串工藝廠果每年虧折九百六十串不多不少適符其數其借端以資中飽顯然可見至兵房承辦差徭各事原議津貼錢七十二串卽加優給增至百串足矣何得至三百串之多亂馬一項自甲辰年車馬改章鐵路一開亂馬全未用着每年開支錢五百串不知錢歸何處若本年所興之工學堂東偏新修大門三間化錢二百餘串夫學堂本係書院舊址前後四層院落高等學堂在前傳習所在後講堂校舍各具完備章任於西偏重建正庭三間大門三間終年空閒已

形贅疣今又修門於東偏不知意欲何爲建房於農務試驗場聊避風雨足矣顧乃窮極奢靡地窖三尺臺砌三尺揭山抹角周圍出廈現未落成已化錢九百餘串將來所費千串不止他如城守

營金

維勳

管帶巡警教習一到卽應卸事何終委任不令去乎况

維勳

出入衙署顛倒是非不惟濫叨巡警薪水抑且貽害於地方

凡此恣意開支浮冒百出皆由王任接事擅改舊章權歸署內動用各款紳董不得與聞之故也若照前任蔣仁天原稟差徭別儲一庫製鎖三把每遇支發三鑰到齊方准開庫官不獨攬紳不獨

專何至流弊若此爲此再稟懇復蔣任原議諭令飭遵並懇將章任侵吞各款嚴追繳還合邑感恩無既

委員會稟批清摺悉仰支應局照摺逐款核明勒限追繳并飭縣速遵前批申州加轉候核嗣後差錢應如蔣前令原詳並趙委員現議別儲一庫製鎖三把取用必須三鑰到齊並官紳集商妥洽稟局核定詳奉院批方准動用年終照案逐款榜示以釋羣疑仍飭縣錄批傳諭局紳遵照摺發三日抄畢并繳五月二十九日撫帥批稟悉已於趙委員查覆摺內明白批示飭支應局照摺逐款

追繳并行縣諭遵照矣此諭

爲酌革積弊據實稟明公懇 恩准諭飭以便永遠遵行事緣前

蒙縣尊傳諭院批等因職等自應靜候何敢多言但歷年流弊多

端有不得不少爲變通者如工藝廠習藝所每月發錢一百三十

串盡行賠完下月再發現仍照常支發虧折泉卽有源究難盈無

底之溪壑不如公舉一素明生理忠實可靠之人付錢一千串俾

領工藝廠事務多置藝器多收學徒總期各擅技能合邑少游手

好閒之人每至月終局中查賬至習藝所不過織布編席等事出

錢五六十串作爲資本使之各有所事自食其力足矣不妨統歸  
工藝廠照理所用之物由廠採買所出之貨由廠銷售責有專歸  
縱無利益亦不至大虧本金兵房津貼每年七十二串其可增與  
否更祈裁酌若夫亂馬一項用着則開支不用則減費似未可少  
涉虛冒現今新政繁興籌款非易如四鄉學堂巡警差徭外再行  
派錢多所抗阻必諸事節省所餘之錢分撥以辦新政民間庶不  
大形困憊現舊差徭庫宛在終不將差錢移入七月初二日亦延  
局紳入署至開支各項錢文局紳初不與聞方逾半年差錢已十

去七八不節何以敷用再者金維勳統帶巡警自應約束嚴整不生

事端詎前六月二十六日晚竟有城內巡兵身穿號衣在城東南

二十里外洪山廟集闖入飯館肆行鬧事當經拿獲二人由分局

首事送案統攝不嚴於此可見其他假查娼賭以肆訛詐者難以

枚舉奚用此統帶爲也祈裁撤以節糜費所稟各節曾求縣尊轉

詳未知已詳到否特乞酌定妥章明白批示並逐款諭飭由縣傳

局以便永遠遵行闔邑均感無旣

批據稟是否屬實仰支應局速委幹員前往該縣查明所稟如情

澈底確查如稍含糊瞻徇定先懲處據稟由縣轉詳如何延擱有無別情一并查確據實稟覆原稟發給限三日抄畢并繳

敬稟者<sup>職</sup>等以酌革積弊公懇恩准諭飭以便永遠遵行等情控

院蒙批仰支應局速委幹員前往照所稟如情澈底確查等因批出二十餘日委員杳無音信以致弊端頻仍幾有積重難返之勢

近聞大人榮升有期不將<sup>職</sup>等所稟各節速行定案恐後照常效尤大人之苦心美意終致湮沒不影<sup>職</sup>等稟中工藝廠每月發錢

八十串習藝所每月發錢五十串悉由署內幕友經手月月發給

盡歸中飽實屬不孚衆心輿論沸騰爲此再稟懇祈將此兩次於未交卸以前速定妥章諭飭遵照餘所稟各節並祈迅速發委澈底確查闔邑均感不朽

支應局轉詳臨潁縣稟批

詳悉速遵前批會司分別前後任勒限如數嚴追至稟稱歷前各縣暨該兩令稟准批示有案飭令查案係何衙門批准批詞并稟批年月日詳開手摺呈局確查詳候核示若僅就季冊聲報概不准理迭據各屬申明均稱季報係書吏循例填寫不足爲據豈該

縣季報便足爲據耶車馬係該局專政無論稟何衙門批准亦應稟局備案此係一定不易之理此卽已見該前後縣之荒謬速會司通行各屬一體永遠遵行仍將應追之各款數目分任先行報明備查

孟委員回覆稟批

詳冊摺均悉該縣陳令擅動濫支車馬項下錢文皆未專稟殊屬不合卽飭該府行縣勒縣如數賠繳以重公款此繳

自古無不敝之法而尤易叢弊者莫如差徭臨穎舊制以民戶

地足八十畝始出差騾一匹前人立法有深意焉古者計夫授田貧富不形自秦廢古田不井授聽民自鬻富者連阡被陌貧者或無立錐之地周世宗閱元微之均田圖慨然欲頒行天下良有以也賴之役法向隨州例未審定自何時第觀其以八十畝地爲額多者迭加少者概免蓋所以抑豪強懲兼并恤貧窮扶困弱也其後奉行既久里胥舞弊漏大派小避強凌弱嚇詐鄉愚公取賄賂種種弊端深堪痛恨然此非法之弊而人之弊也誠痛懲權書勿令侵漁祇在當事者一轉移間耳乃不重責

人輕思變法改差爲僱不論戶之大小地之多寡概令輸錢已非先王子惠困窮之意且前任劉公擬以每畝輸錢十二以十畝起例今定以畝錢三十分毫不遺輕重尤屬不倫傳曰作法於涼其弊猶貪作法於貪弊將若何且夫不見可欲而不動者人之心也少則儉而多則蕩者又人之情也以二萬餘緡之貲堆積其旁供其揮洒當局者染指旁觀者朶頤誰復顧我之名節乎取之盡錙銖用之如泥沙誰復念民之膏血乎是教之貪而縱之濫也故在蔣公懲前弊而改章原出愛民之至意然有

公之志則可無公之志則敗也當公去任之後後任遂將印簿收去權歸獨攬未逾年而法已壞非前之弊猶小而遲後之弊乃大而速耶語曰兩利相權則取其重兩害相權則取其輕昔之差驟似重而實輕今之輸錢似輕而實重以彼猶得息肩而此無能漏網也況今之輸錢本非輕乎嗚呼古今不患無治法而患無治人創一法必滋一弊故曰多一事不如省一事興一利不如除一害孟子云不愆不忘率由舊章遵先王之法而過者未之有也故備載前事不憚繁複洫茲土者覽而擇焉斟酌

以歸於盡善則潁人之厚幸也夫

爲治之道不外教養故賦役教典兩門實志之幹也然既富方  
穀俯仰無資欲治禮義而不暇則養爲尤急賦役一篇養道  
也賦有定而役無定役法敝養道蠹矣予於此不能不三致意  
焉